

# Autorin der erzgebirgischen Mundart

## Sprachregion – Crottendorf (Westerzgebirge)

### Tietze, Monika

#### Kurzbiographie

geb.: 20.10.1957

Wohnort: Crottendorf

Beruf: selbständige Schneidermeisterin

Am Anfang standen sogenannte „Gelegenheitsdichtungen“, u.a. für den Erzgebirgszweigverein Crottendorf. Später kamen Gedichte über unser schönes Erzgebirge und dessen Brauchtum dazu. Ich schreibe auch Kurzgeschichten, die meistens zum Schmunzeln sind.



#### „Dorham is dorham“

Waar de Lisbeth kennt, daar wess, dos die an liebsten dorham is. Togsüber näht se in enner Schneiderwaarkstatt und ohmd sitzt se an ihrn Klippelsack. Bluß net eikaafen fahrn und schie gar net nooch Annebarg! Aber manchmol lässt sich net vermeiden, mor muss ja aah emol ze en Doktor.

Es war noch ze DDR-Zeiten, do musst se in Winter wieder mol noch Annebarg zun Augenarzt. Se kam schnell dra und wu alles erledigt war, ging se schnurstracks offn Busbahnhof. Aber se hat Pech, dor nächste Bus fuhr arsch in ner dreiviertel Stund. Also ging se nauf in die Gaststätt und wollt dort offn Bus warten. In daare Gaststätt warsch warm, se zuuch ihrn Anorak aus un suchet nooch en Kleederhoken. Se fand aah e Garderobe un die ging sugar über de ganze Wand. E wing ugleichmaaßig vertaalt warn Holzknöpp, do wollt se ihr Gackel na hänge. Aber entweder dor Aufhänger war ze klaa oder die Knöpp warn ze gruß – se brachts net drüber. Arsch wu se paar Knöpp probiert hat, fand se enn, daar halbnwaags ging. Nu setzet se sich an su e Tischl und tat warten. Dodorbei gucket se sich ewing im. Noch ner Weile dacht se: Guck a, do in daare Eck stieht noch e Kleederständel, hätt ichs aah do nahänge könne. Itze gucket se noch emol nooch ihrer Gack un do fuhr orsch durch un durch: Ganz allaah hing daar Anorak an en riesengrußen Wandbild aus Holz, dos is Erzgebirg darstellt. Die Knöpp warn de Barg, je hecher, imsu gresser! Do hat se nämlich zearscht an Fichtelbarg probiert, nochert an Keilbarg un su wetter. Schließlich warsch an Scheibnberg gelunge, die Gack aufzuhänge. De Lisbeth sprang auf, schnappet ihrn Anorak un rannet de Treppen nunder. Zun Glück stand dor richtige Bus schie draußen: Nischt wie nei un eham! / 2005

#### **Später Winter**

Ich zieh durch'n Schnee  
un drubn vun dor Höh  
do glitzerts und funkelt, als zaubert e Fee.

In Wald guckt wing Gros  
durchn Schnee un e Hos  
daar hot dra geknabbert, mor sieht, wu or soß.

Fahr sachte bargnauf  
un guck un verschnauf:  
Dor Pfaarkümmel hot weiße Haibele auf.

Bereimelt de Baam,  
dor Frost bannt is Laabn.  
Ward dos nooch daar Kält e Aufwachen gaabn!

Ich bleib nochmol stieh  
un horch richtig hie,  
do singt lang e Vögele schenner wie schie./ 2010

#### Kontakt:

**Monika Tietze**  
09474 Crottendorf, Forsthausweg 21

**Tel.: 037344 13784**

**Mail: [massschneiderei-heisse@t-online.de](mailto:massschneiderei-heisse@t-online.de)**